

TE HEHEURAA API.

I neia i te piha neneiraa a te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaiete, i te mau avae atoa. Te hoo, e piti farane i te matahiti hoê.

"O tei tapo'i i ta'na hara, e ore ia e maitai; o tei fa'i rá e ua faarue, e arohahia ia." Mas. 28: 13.

"O tei faateitei hoi ia'na ihora, e faahaehaahia ia; e o tei taahaehaa ia'na ihora, e faateiteihia ia." Luk. 14: 11.

Nu. 4.

10 Tenuare, 1909.

Mat. 2.

Te Tupuraa o te Ekalesia

I A'OHIA E REETA SAMUTA, APOSETOLO, I ROTO MITI,
I TE 18 NO ATOPA, 1908

E TE mau taeae e te mau tuahine, te oaoa nei au i to tatou farereiraa. O teie to'u farereiraa matamua i te feia mo'a i teie nei paeau ekalesia i muri a'e i te faataaraahia teie nei tufaa rahi no Ziona i parauhia ra e o Tiamâ, hoê â rá huru Varua i itea ia'u i roto i te parau a te mau taeae o tei a'o mai i te evanelia ia tatou nei i tei itea ia'u i roto i te mau tufaa rahi atoa no Ziona, no reira te mana'o nei au hoê â ia ta outou ohipa, e ta outou titauraa, e to outou faaroo, e to outou Atua ta tatou atoa e here e e haamori. Ua maere au i te parau a te peresibutero ra o Pack o tei faaite mai ia tatou i te pae matamua o teie nei pureraa e te vai ra te tahi mau taata o tei mana'o e ua oti roa te



ohipa no te “Moromona.” E 46 to’u nei matahiti, e mai to’u apîraa mai â ua farerei pinepine au i teie huru parau na te feia ite ore. Iti noa tatou nei ia taiohia i roto i te hoê oire rahi no Amerika— o te ohipa “Moromona,” o te ohipa itoitō roa ia i roto i te ao atoa nei, e te hi’opoa nei te mau taata no te mau fenua atoa i te ohipa no te “Moromona,” e to te “Moromona” mana rahi i rotopu i te mau nunaa atoa e i nia hoi i te mau ohipa i ferurhia e to teie nei ao. Te parau maira o Pack peresibutero i taua parau ra, ua tupu i roto i to’u mana’o te parau heheu i horoahia mai i te peropheta Iosepha Semita i te tuuraa parau i te hopēa nei. Te na ô maira te Atua i roto i taua parau heheu ra e:

“E teie nei, inaha, e ohipa maere te fatata i te tupu i rotopu i te tamarii a te taata nei, no reira o outou o tei rave i te ohipa a te Atua. e titau outou ia pee outou ia’na mai te aau atoa, e te itoitō, e te hinaaro e te puai, ia vai porao ore outou i mua i te aro o te Atua i te mahana hopea ra: e mai te mea e, ia hinaaro outou i te tavini atu i te Atua, ua parauhia ia outou no te reira ohipa, inaha hoi, ua teatea te aua, ua fatata te auhune, e inaha’ oia o te haapuai i te tairiraa i ta’na mauhaa ooti, ua faataahia ia ta’na haaputuraa ia ore oia ia pohe, ia noaa râ te ora no to’na varua; e te faaroo e te tia, e te aroha e te hinaaro, mai te mata hoê i te titauraa i te hanahana o te Atua, na te reira o haamaitai ia’na no te reira ohipa. A haamana’o, te faaroo, te taiata-ore, te ite, te hitahita ore, te faaoromai, te aroha taeae, te huru Atua, te aroha te faahaehaa, te rohirohi ore. E ani e horoahia mai ta outou, e patoto atu, e iritiahia mai ia outou. Amene.” (B. F. 4: 1-7. B. F. S. 4: 1, 2).

Ua horoahia mai taua parau ra i Febuare, 1829, hoê matahiti hou te faatiaraahia te Ekalesia. Mai te mea ua tia ia haamouhia e ia faaorehia teie nei ohipa, te reira te tau e au i te varua ino no te haamouraa e no te faaoreraa. Mai te mea ua tia ia faaorehia teie nei ohipa maere rahi ta te Atua i parau e tupu ra, ua tia ia faaorehia i reira i to’na itiraa. E teie nei, ua mairi te tau e au no te faaoreraa. Ua tupu te Ekalesia i te rahiraa mai te reira mahana e tae roa mai i teie nei â. Ua parare ia na roto i te mau fenua

tahiti, e mai
huru parau
a taiohia
hipa "Moro-
toa nei, e te
te ohipa no
ahi i rotopu
i ferurhia e
tero i taua
heheu i ho-
uura parau
taua parau

rotopu i te ta-
pa a te Atua, e
te hinaaro e te
mahana hopea
a, ua parauhia
ata te auhune,
na faataahia ia
na varua; e te
te titauraa i te
reira ohipa. A
e faaoromai, te
ore. E ani e
ou. Amene."

, 1829, hoê
mea ua tia
reira te tau e
reraa. Mai
e rahi ta te
reira i to'na
rereraa. Ua
na e tae roa
mau fenna

ra o Belegiuma, o Holana, o Suitilana, o Farani, o Alema-
neia e o Beritane, e ua itea ia'u e te tupu oioi nei i te rahi-
raa ta tei parauhia ra e to te ao nei e "Moromona," e ua
hau ê te oioi o te tupuraa. I te mau oire rarahi atoa ta'u i
maitatai ra ua faaite maira te mau orometua e na roto i ta
ratou mau ohipa te tomo mai nei te taata e rave rahi i roto
i te Ekalesia, e tei mua ia ratou te auhune hau ê roa i tei
mana'ohia e ratou i te pae matamua o ta ratou pororaa
evanelia. Ua mataitai atura vau ia Lonedona. Tei reira
vau 17 matahiti i mairi a'enei e ua iti te taata i haere mai e
faaroo i te parau a te mau orometua i reira, e ua iti hoi te
mau amaa Ekalesia i roto i taua tufaa fenua ra. Tei te pru-
mu Penatana numera 42 te fare pureraa e te fare parahiraa
no te mau orometua i te reira tau, e ere ia i te mea nehenehe
roa. E teie nei, e fare pureraa nehenehe roa to tatou i te
vahi maitai roa no te oire. Mea nehenehe roa te mau piha
i raro e i nia hoi, ua peni apî-hia e ua faanaunahia te mau
pae fare, e tei roto ra te mau ohipa rii au maitai— mea faa-
hihia roa ei haamoriraa i te Atua. Eita e tupu te haama-
ia tomo mai te taata vitiviti roa i roto i to tatou fare pureraa
i reira. Tei reira vau i te tomoraa. E 800 taata tei amui-
hia mai e ua ite au ua putapû te aau o te feia i te mau
parau no te "Moromona." E 43 taata i bapetizohia i roto
i taua tufaa ekalesia ra i te hebedoma i mua'e. Ua matai-
tai atura vau i te oire ra o Liverpool here. I ta'u tapaeraa
i reira 17 matahiti i mairi a'enei tei te purumu Bittern, nu-
mera 15 to tatou fare pureraa i pihaiho i te hoê fare puaa.
Mai te mea ua amui maira e toopae tiahapa taata i to tatou
mau pureraa i te reira tau ua mana'o ihora matou ua ma-
nuia roa. E i teie nei, e fare pureraa nehenehe roa to tatou
i reira, tei to tomoraa no te hoê o te mau ori-haere-raa no
te oire. Aita e toopae ana'e taata e tae mai i te mau pure-
raa, ua i roa râ te fare i te taata i tairuru mai e faaroo i te
faaiteraa evanelia a te mau orometua. Te tia atoa ra te
taata ôê e rave rahi te hanere i roto i te mau tomoraa e i



roto i te mahora i rapae au i te fare pureraa, no to ratou hinaaro e faaroo i te parau no te "Moromona." E mea huru ê roa to taua oire ra o Liverpool hi'oraa mai ia tatou i teie nei e i te tau i ohipa'i au i reira 17 matahiti i mairi a'enei. Te faaite mai nei teie nei mau mea ia'u aita te ohipa "Moromona" i oti, e mea ora râ ia, e te toro noa nei â to'na ra mau aa i roto i te aau o te feia parau-tia o te ao nei e rave rahi te tausaniaraa. Ua haere atura vau i te oire ra o Birkenhead, e mea pinepine au i reira e te mau orometua atoa i te matamua e faaite i te evanelia a Iesu Mesia, aita râ i manuïa no te ore o te hinaaro o te taata e faaroo mai i ta matou parau. Auê te huru ê roa i tupu i na matahiti e 17. Ua anihia vau e a'o i te parau i te ahiahi mahana toru. I to'u tomoraa i roto i te fare pureraa ua apiapi roa te fare i te taata. Ua hi'o tairoiro mai to taua oire ra ia tatou nei i na matahiti i mua'tu i teie nei râ, tei reira te hoê amaa no te Ekalesia. Ua maitai roa te Haapiiraa Sabati e te Amuiraa Tuahine e te mau Haapiiraa Tauturu atoa i reira. E te mau taeae e te mau tuahine, o te reira te huru no te ohipa i Peritaré, eiaha i te reira fenua ana'e, ei Su telané e i Alemania atoa, ua riro te taata ei hoa no te mau orometua e ua hinaaro ratou ia ite i te huru no ta tatou parau evanelia. Ua mauruuru hoi au i te iteraa te hopea no te tapearaahia o na peresibutero no tatou e toomaha i te fenua Suitelani, na pari-haavare-hia e te tahi mau orometua no reira i te opereraa e i te a'oraa i te parau au ore i ta Iesu Mesia. Ua horo to tatou mau peresibutero mai te haavaraa haehaa e tae roa'tu i te Tiribuna Teitei roa, e ua faaitehia e te Haava Rahi e mea haavare te pariraa, ua faaorehia te faaotiraa parau a te haava matamua, e ua faatiahia ratou ia a'ohaere i te evanelia mai te mau orometua atoa te huru. Ua faaoromai atura to tatou mau orometua i te mau ino e rave rahi ia roaa ia ratou te reira faaotiraa parau a te Tiribuna Teitei. I te matamua o to ratou tapearaahia aita i faaitehia ia ratou te pariraa i parihia ai ratou

no to ratou
 a." E mea
 nai ia tatou
 ahiti i mairi
 ia'u aita te
 oro noa nei
 a-tia o te ao
 au i te oire
 u orometua
 Mesia, aita
 faaroo mai i
 a matahiti e
 ahana torn.
 oa te fare i
 ia tatou nei
 ei reira te
 apiiraa Sa-
 auturu atoa
 eira te huru
 e, ei Su te-
 no te mau
 no ta tatou
 te hopea no
 aha i te fe-
 u orometua
 au ore i ta
 mai te haa-
 roa, e ua
 pariraa, ua
 a, e ua faa-
 u orometua
 orometua i
 a faaotiraa
 atou tapea-
 nia ai ratou

ra. E mea huru ê roa teie nei mau orometua apî e toomaha i tapeahia i te fenua Suitelani i te mau taata atoa i tapeahia i reira. Aita ratou i oto, aita to ratou huru i au i te taata hara, e ua ite te mau taata atoa no te haavaraa e no te fare tapearaa atoa e pre ratou i te feia hara. Aita ratou i faarumaruma i te mata, ua himene râ i te mau arueraa i te Atua, e ua faaite hua hoi i to'na ra aroha rahi ia ratou ra. I te toru o te mahana o to ratou tapearaahia aita ratou i hurihia i roto i te fare auri, ua tapea-noa-hia râ, ua opua ratou e titau hua ia faaorahia e ia faaotihia te parau ia ratou ra. Ia oti te feruriraa o te mau mutoi, ua hurihia te mau orometua i roto i te fare auri, e ua opua ihora te mau orometua e paruru ia ratou iho i mua i te aro o te haava rahi. Ua tarahu ratou i te hoê haapii ture e tauturu mai ia ratou. E mea huru ê te mau peu o te hau Suitelani i te hi'opoaraa i te feia i tapeahia. Ua faito ratou i te feia atoa i tapeahia e ua papaihia te reira, e te mau porao atoa i iteahia i nia i te tino, e te mau vahi huru ê atoa no te tino; te rahi o te taria, te maitai e te ino o te mau niho, te huru o te rouru, e te mau porao atoa i nia i te tino. Ua faauehia te tîti ia tarava i raro e ua papaihia to'na roa e te aano e to'na hohoa atoa i nia i te hoê raau. O te tahi o na peresibutero e maha ra, o Kirkman taeae ia no te oire Lehi i Utaha. Ia tarava oia i raro ia tapaohia to'na roa e to'na rahiraa e to'na hohoa, ua hi'o maere maira te mau taata toroa ia'na, no te mea ua hau to'na rahiraa i to te taata atoa i faitohia i te fenua Suitelani. Ua na ô atura ratou i te maereraa, Eaha ra te huru o teie nei taata? Te hinaaro nei au, e te mau taeae e te mau tuahine, e faaite atu ia outou e ia tae i te mahana i tuuhia ratou i rapae au i te fare auri ua ite te mau taata atoa no te haavaraa e no te fare auri atoa i to ratou huru, no te mea ua faarooahia ta ratou mau pure i te poipoi e i te ahiahi, e ua himene ratou i te mau himene no Ziona a taoto noa'i ratou i nia i te tahua paari aita e ahu maru i raro a'e, e aita hoi e ahu tapoi i nia ia ratou ra. Ua tae atura ta ra-

tou pure i te Metua i nia i te ra'i, e ua faaroo atoa te mau taata tiaf fare tapearaa i ta ratou mau pure e ta ratou mau himene. Ua maere ratou i te huru ê roa o te mau orometua e o te "ohipa maere rahi" ia o tei faatupuhia i te reira huru taata. Hou ratou i tuuhia i rapae ua faaite atura ratou i te parau evanelia i te taata atoa i roto i te fare auri e ua farii-hia ta ratou parau e te tahi pae o te feia tiaf fare ra. No reira e ere ia i te mea ino anoi-ore-hia, na roto râ i te ino ua tupu te maitai. Ua vai noa'tura ratou i roto i te fare auri e tae roa'tu ua faaotihia te parau e te Tiribunaraa Teitei ia ratou ra. Ua tuuhia ratou i rapae e ua faatiahia te feia mo'a atoa i te mau vahi atoa no te hau Suitelani ia a'ohaere i te evanelia a Iesu Mesia ma te haapeapea-ore-hia. Te vai râ te tahi mau fenua i opanihia ia tatou i teie nei; te ite nei râ vau e ua fatata te tau e farii-maitai-hia te mau orometua no te Ekalesia a Iesu Mesia i te Feia Mo'a i te Mau Mahana Hopea Nei, e e faatiahia tatou ia a'ohaere noa i te mau fenua atoa te mau parau mau i heheuhia mai i teie nei tuuraa parau i te hopea nei na roto i te peropheta ra o Iosepha Semita. Ua faaite maira te peresibutero ra o Paek i te parau a te hoê taata ite rahi haapii parau paari o tei fa'i ra e ua tia te mau parau tumu no te Ekalesia. E te mau taeae e te mau tuahine, te tere ra vau i nia i te moana ua paraparau ihora mana e te hoê taata haapii ture ite rahi no te mau tufaa fenua rahi i parauhia ra e o Beritane Apî, e taata tao'a rahi hoi oia. Te tomo ra vau i roto i to'u piha taotoraa i te tui-raa po e ua tapea maira oia ia'u, e ua ui maira e ua haumani anei au, e e faatia anei au ia paraparau maua. E vahine ta'na e te tahi mau tamarii, e e taata paari roa oia i rotou i te pupu o te feia haapii ture i taua paeau fenua ra. Ua na ô atura vau i te pahonora: "E mauruuru roa vau ia paraparau taua." Ua hope roa taua po ra i to maua parapuraaa evanelia. Ua faaite maira oia e ere oia i te taata i roto i te ekalesia, aita oia i baptizohia, ua ite râ oia e ua fa'i maira hoi e parau mau roa te mau parau tumu no te



Ekalesia, e ua na ô maira: “Ua haapii aera vau i te mau parau tumu no te Ekalesia i na matahiti e rave rahi. Tei ia’u te mau buka atoa i papaihia i te parau no ‘Moromona’ i na paeau e piti, i te faatia mai e i tei patoi atu. Ua taio vau i taua mau buka atoa ra, e ua tia vau i nia i te mau aroa prumu e faaroo i te mau a’oraa parau evanelia a to outou mau orometua, e to ratou faaiteraa i te haamaitai o te Atua ia ratou ra, e i te faaho’iraahia mai te evanelia i teie nei tuuraa parau no te ra’i mai. Ua faaroo vau i ta ratou faaiteraa i te mau parau matamua o te evanelia nei, te parau no te faaroo, te tatarahapa, te bapetizo, e te tuuraa i te rima no te horoaraa i te Varua Maitai, e i te heheuraahia mai te parau no te ra’i mai e te Atua; ua faaroo vau i ta ratou haapiiraa i te mau parau tumu atoa i haapiihia e ratou. A haamana’o na oe ua haapii hua vau i te parau no ta oe haapaoraa e te faaroo nei au i te reira ma to’u aau atoa.” Ua tamata’tura vau ia’na ia ite au e ua haapii mau oia i te mau parau tumu no te Ekalesia, e ua maere au i to’na ite rahi i taua mau parau ra, mai te mau parau matamua e tae roa’tu i te mau parau hohonu roa, e ua na ô atura vau ia’na ei pahonora: “Te maere nei au i to oe huru mana’o. Te na o mai nei oe e te farii nei oe i te reira mau parau ra e te ite nei oe e o te Ekalesia nei, o te Ekalesia mau ia a te Atua, eaha oe e ore e tomo mai ai i roto i te Ekalesia e tauturu i to’na ra mau tama’iraa i te ino? Eaha oe e ore e parau ai e e faaite hua vau i ta te parau-tia e te Ekalesia a te Atua?” Ua na ô maira oia, “Ua hi’opoa pinepine au i to’u iho huru, e tausani noa’tu te hi’opoaraa, e ua ui mai au ia’u iho, e ere anei au i te taata paruparu i te mea aita vau i fa’i hua i mua i te aro o te taata i ta’u i faaroo ra, e e tae mai anei te tau e tupu to’u mata’u ore e tia ia’u i faaite hua i te reira? Aita’tu taata i ite i to’u mana’o maori râ to to’u iho utua-fare, e ia faahiti au i te parau no te ‘Moromona’ i mua i to ratou aro, ua tupu to’u mata’u rahi e faaite hua i te reira, o te ore e tia ia’u ia faaoromai, no to ratou au ore i taua



mau parau ra. E ore au e farii-maitai-hia i roto i to'u iho utuafare, e taa e paha ta'u vahine e ta'u mau tamarii ia'u nei, e aore râ e ore matou atoa e farii-maitai-hia i roto i te mau amuiraa hoa, e riro teie nei orâraa ei mea teiaha i to to'u utuafare, e ia ino ratou ra ua ino atoa ia vau. Aita vau i tapitapi i te tao'a e moe ra, no te peapea râ e tupu i roto i to'u utuafare ua tapitapi to'u aau." E te mau taeae e te mau tuahine, e ere oia i te taata hoê roa e na reira i te mana'o. Ua ite au i te taata e rave rahi hoê â to ratou huru mana'o. Ia haere au i roto i te hoê fare rahi hamani-raa tao'a i roto i te oire Chicago ua parauhia mai au e, e taata faatere i te parau ra e, "Tera mai te taata o tei faariro mai ia'u nei ei taata oaoa ore." No te aha ra? No te mea ua tano roa ta'u faaiteraa evanelia ia'na, hoê â râ to'na huru aau e to te tahi taata ta'u i faaite a'enei, aita e tia ia'na ia faaite hua i te parau mau, no te peapea fetii e tupu i nia ia'na. Mai te reira atoa te huru o te tahi pae taata i te anotau o Iesu Mesia. Mat. 10: 34-39. 19: 16 22. Ua na reira hoi te tahi-pae taata i te mata'u noa a mana'o ai ratou e mea maitai te tao'a i te ora. O te ora te mea maitai roa ta te Atua i horoa mai i te taata nei. Ua tae mai i roto i te ao nei ta to te ao e parau e "Moromona" e parahi tamau; teie to'na auraa, e haereraa i mua, e haapii-raa; eiaha ia tatou ana'e, i to te ao atoa nei râ. Ua faaroo atura te taata ra o Ingersoll, e taata faaroo ore oia i te Atua, ia Toma Taote, orometua, ia matûtû rana i te parau. Ua haamata atura te taata ra o Ingersoll i te parau, e na puroro noa'tura te parau navenave roa na roto i to'na vaha e tae noa'tu i te piti o te hora ei faariroraa i te faaroo i te Atua e i te mau parau tumu no te mau ekalesia atoa i nia i te fenua nei ei mea faufaa ore. Ua haamaitai atura te Atua i taua taata ra i te arero parau faahiahia, aita rea te taata i te ao atoa nei i roaa i te reira, e ua faariro atura oia i taua horoaraa ra ei faaoreraa i te faaroo tapetepete i toe mai i roto i te mau taata no to'na ra tau. Ua pahono atura Toma

Taote, orometua, na o atura: “E Miti Ingersoll e, aita i tia ia’u ia parau i te parau nehenehe mai ta oe i parau atura, e tia râ ia’u ia faaite atu i to oe huru na roto i te parau haehaa e te faaunauna-ore-hia. Hoê â ia to oe huru e to te taata eiâ tao’a o tei haaparari i te uputa fare no te hoê taata a tomo ai i roto a eia’i i ta’na ra mau tao’a e aita i vaiiho i te tahi noa’tu mea ei mono i tei rave-ê hia; te eiâ nei oe i-te faaroo no te feia cherisitiano e aita oe i horoa i te tahi noa’tu mea ei mono. Ua tae maira te ‘Moromona’ i roto i te ao nei e aita ia i faaere i te ao nei i te tahi noa’tu parau mau; ua amui ra i te tahi atu â mau parau mau i heheuhia mai e te Atua. Na te ‘Moromona’ e haamaitai i to te ao e e faariro i to te ao ei mea maitai roa. Na te hotu e faaite hua e no te Atua ia te reira. Ia parau te mau taata e e feia ma’ua te feia mo’a i faaterehia e te tahi mau taata mana rahi, te panono atu nei au e aita ratou i ite i ta ratou e parau ra. Ua parihia te feia mo’a ei feia ino roa. Te parau nei au e haavare te reira, e te pure nei au i te Atua ia tae vave mai te mahana e iteahia te feia mo’a i to ratou huru mau, eiaha i to ratou huru i parau-noa-hia e te taata. Ua parau pinepine atura vau e ere i te feia ino te feia o tei haapii noa i ta ratou mau tamarii, e o te haamaitai i te feia veve, e o tei haapii noa i te reo himenê e te mau mana’o vitiviti atoa, e o tei faatura i te feia ruau; e ua mahana roa to’u aau a faaite atu ai au e ua tairuruhia mai tatou mai te mau fenua atoa o te ao atoa nei, ua ite roa ra te feia ite ore i roto i te tufaa fenua rahi ra o Utaha i tei roto i te mau tufaa fenua rahi atoa o te hau Amerika maori râ e toru. Ua haapii atura te peropheta ra o Iosepha e ore te taata e ora i to’na ite-ore-raa, e e parau mau roa taua parau ra. Te faaroo nei au e tae mai te tau e ore tatou e haapii ia tatou iho ana’e ra e haapii atu tatou i to te ao atoa nei i te auraa mau i tei parauhia ra e e “Moromona.”

Te hinaaro nei au ia faauhia te mau parau i parauhia i roto i teie mau amuiraa i nia i ta outou mau ohipa i tera

i to’u iho
marii ia’u
i roto i te
eiaha i to
au. Aita
â e tupu i
mau taeae
reira i te
to ratou
i hamani-
ai au e, e
o tei faa-
? No te
hoê â râ
ei, aita e
ea fetii e
tahi pae
9: 16 22.
a mana’o
ra te mea
Ua tae
mona’ e
e haapii-
ia faaroo
oia i te
te parau.
rau, e na
’na vaha
aroo i te
oa i nia i
te Atua
e taata i
ia i taua
oe mai i
ra Toma



mahana e i tera mahana; no te mea te ite nei au e aore te tahi orometua i roto i teie nei Ekalesia e tia i nia i mua ite amuiraa o te feia mo'a e e haapii i te hoê parau o tē faaore i te ohipa a te Atua. Te faaroo papu nei au e e feia parau-tia te feia faatere no teie nei Ekalesia. e feia tamau maite ratou i roto i teie nei ohipa; e te ite nei au ua tia ia ratou te faarue roa i ta ratou mau tao'a e ta ratou mau mea hinaaro atoa ei faatupu i te ohipa a te Atua ahiri ua tia. Ua itea te reira huru i roto i te feia faatere no te Ekalesia e te feia mo'a, e i roto hoi i ta ratou mau ohipa atoa i ravehia ei faatupuraa i teie nei ohipa rahi i teie nei mau mahana hopea.

Te ani atu nei au i te Atua e haamaitai mai ia outou, e ta'u mau taeae e ta'u mau tuahine; ei ia outou atoa te hau, e ia haamana'o outou e o te Atua ia tei horoa mai i te mau mea maitatai atoa, e ia faaite hua outou i to'na ra haamaitai rahi i roto i te mau mea atoa, o ta'u ia pure i roto i te i'oa o Iesu Mesia. Amene.

Te Matahiti Api i Papeete Nei

I te fatataraa mai o te Matahiti Apî, ua ta hoê ihora to te Ekaleiea i to ratou mana'o, e to to ratou ra mau hoa, e ua aufau ihora ratou i te moni rii tai tahi afa i te taata hoê, ei haaputuputuraa i te mau mea e au no taua matahiti ra. Ua faaneinei atoa-hia te mau aamu e te mau faarearearaa no taua tairururaa, e i te po no te veheraa tau, ua hi'opoa-hia te mau aamu mai te hora hitu, e tae noa'tu i te hora ahuru i te po i faaotihia'i. Ua haamatahia te pureraa Matahiti i te ahuru ma hoê i te po e tae noa'tu i te ahuru ma piti i faaotihia'i. E i te mahana matamua no Tenuare, ua putuputu mai te feia Ekalesia e raverave i maa maa no te matahiti, e ua faatae-hare-hia te mau parau titauroa i te mau hoa taata tupu, ia haere atoa mai e ua tae ineine mai ratou atoa i te hora mau i parauhia, e ua tae atoa matou i i te amuraa maa matahiti i te hora pae i te ahiahi i te tau-

pee i ta Anti hia e te niau para. E ua faatere maira Patamana i te ohipa no to'na toroa rave maa o tei tauturuhia'tu e to'na mau hoa, e ineine maite a'era, ua pure ihora Solona e oti a'era, amu ana'e ihora matou atoa i ta matou maa ma te rotahi noa te aau; e paia a'era, haere ane'e atura i te piha i faataahia no te mau faarearearaa, tuuhia maira te pupu piti i te amuraa maa, e paia a'era, haaputuhia maira i te piha tairururaa. Ua tae to matou rahiraa i te 80 e aore ra, e rahi atu, haamatahia ihora taua tairururaa ra i te hora hitu i te himene e te haamaitai i te Atua; e oti a'era, faaterehia maira e Terava te aamu no Iosepha Semita i muri iho faaterehia maira e Tuhiata te aamu no Hana, e muri iho faatere maira Ternoi i te aamu no Naumi, e muri iho himene ihora Teipo e Solona i te himene no te matahitt apî, e te hamonia. E i muri a'e, hiohia ihora te mau rê no te mau aamu i te taata tei tae i te mau vahi i parauhia.

Te aamu no Eria te ia Tane a Tehiva. Ua horoa te peresideni i te tao'a rii haamauruuru na'na, hoê ruru kaie i parauhia (te iri oniani). Te aamu no Hana, tei tae i te vahi i parauhia: 1. O Temeho. 2. Terava. 3. Tuhiata. E ua horoa te peresideni i te tao'a rii haamauruuru na ratou. Te aamu no Naumi, tei tae i te hopea: 1. Terava. 2. Ternoi. E ua horoa te peresideni i te tao'a na raua. E ua haamatahia te arearea, taioraa irava Bibilia e vau taata. Te rê matamua tei ia Afereti; te rê piti teia Terava; te rê toru teia Hutia; e ua horoa te peresideni te tao'a rii ia ratou. Muri iho ua ravehia te arearea taioraa numera. Ua riro te rê ia Temeho. Ua horoa te peresideni na, na i mohina raau opupu. E i muri a'e, ua ravehia te arearea haruraa parahiraa. Teia Mahia te rê. Ua horoahia hoê buka himene na'na. Ua rave-atoa-hia te arearea amuraa apara, e pae taata: o Toriki, e Arai, e Tavi, e Tuko e Tekehu. Teie te tao'a i horoahia na ratou, oia te mau apara ta ratou iho i amu; o Tavi te hau i te oioi i te amuraa i te apara i roto ia ratou. Te aamu no Adamu, teia

Nei

hoê ihora to mau hoa, e taata hoê, matahiti ra. faarearearaa na hi'opoa-tu i te hora teraa Mata- e ahuru ma uenuare, ua maa no te itauraa i te ineine mai oa matou i hi i te tau-



Kuhi e Mahia na rê, e piti pine taopo i horoahia no raua. E fatata roa maira te taima faaotiraa, ua tia maira Afereti e o Tapu e na haamahanaha maira raua i to taua amuiraa ra, ma te faahitihiti atoa mai i te mau parau maitatai e te au i roto i te natura o te taata i te oraraa nei, e te parau hoi no te farereiraa matahiti, e oti a'era, faaotihia ihora te putuputuraa i te ahuru ma piti i te po, i te himene e te haamaitai. Tia paatoa a'era i nia, tuu ana'e ihora i te tapao aroha haere ana'e atura i te utuafare. E i te po i muri iho ua putuputu faahou maira te mau taeae i te fare orometua e ua hi'opoa faahou-hia te aamu no Iosepha, e ua iteahia e hitu taata i tae i te hopea: o Ragivaru, e Temeho, e Teipo, e Teruoi, e Hutia, e Tuhiata, e Terava. E i reira te faaoti-roa-raa o te mau rê no te mau aamu atoa. Te aamu no Iona, teia Tekehu te rê. Ua horoahia mohina raau niho na'na. Te rê no te himene, teia Teipo e Solona. Ua horoahia te tahi tao'a na raua. Ua horoahia na te pupu a Solona te tahi rê, no te mea ua tuu mai ratou i te hoê buke nehenehe no te matahiti apî. E ua hi'opoahia te otarafia o teie nei ao; teia Mahia te rê, e ua horoahia te tahi tao'a rii haamauruurn, e i muri a'e ua faaotihia te putuputuraa matahiti e te mau mea'toa i parauhia ra.

Iravehia teie nei mau ohipa'toa i raro a'e i te faatereraa a te peresideni tauturu ra, o Solona i Papeete.

“E o tei pohe i te ma'i i rotopu ia outou na, e aore to'na e tiaturiraa e tia ai oia ia faaorahia, ua faaroo râ ia aupurupuruhia oia mai te mârû e te raau rii e te maa rii au, e eiaha hoi te reira ia ravehia mai e te rima no te hoê enemi. E ia titauhia te mau peresibutero no te ekalesia, toopiti a'e e ia rahi, rahi noa'tu e pure hoi ratou, e e tuu hoi i to ratou mau rima i nia ia ratou i to'u ra i'oa; e i pohe ra, ua pohe ia ia'u nei, e i ora ra, ua ora ia ia'u nei. E faaea outou mai te aroha, e oto hoi outou no te poheraa no te feia i pohe ra, e tei hau roa'tu no ratou o tei ore e noaa i te tiairaa ia ratou te tia-faahou-raa hanahana.” B. F. 42: 43-45. B. F. S. 42: 12.

Te Fanauraa Pape

Ua parau atura Iesu ia Nikodemo na ô atura, "Ia ore te taata ia fanau i te pape e te Varua, e ore oia e ô i te basileia a te Atua ra."

Eiaha te taata e ô faahou ai i roto i te opu o to'na metua vahine, ia fanau râ i te pape, mai te fanauraa tamarîi te huru; ua vehihia te tamarîi i roto i te pape a vai ai oia i roto i te opu o to'na metua vahine, e ia fanau oia, ua haere mai oia i rapae, no roto mai i taua pape ra. Oia atoa hoi te taata; ia vehihia oia i roto i te pape e tia'i, e ia haere mai oia i rapae, no roto mai i te pape.

Teia fanauraa apî o te baptizohia ia. Tei raro nei te tahi mau irava rii o te faaite mau ia tatou o te baptizoraa taua fanauraa:

"E teie nei, ua tanuhia tatou e oia'toa, i te baptizoraahia i roto i to'na ra." Rom. 6: 4 5.

A hi'o atoa te parau i roto i te Kolsa 2: 12. "I tanu-atoa-hia outou e oia atoa i te baptizoraa."

E piti parau rahi i iteahia i roto i te mau irava i nia, oia hoi: 1. Ua tanuhia Paulo ma i te baptizoraahia i roto i to'na ra (to Iesu) poheraa. 2. Ua tanu-atoa-hia oia (o Iesu) i te baptizoraahia.

Ua faaau o Paulo i te baptizoraa i nia i te poheraa e te e te tia-faahou-raa; oia hoi, ia tanu te tino taata i roto i te pape, e e haere mai i nia no roto mai i te pape, mai te tino e haere mai i nia no roto mai i te apoo i te tia-faahou-raa. Aita Iesu e o Paulo ma i pîpîhia, aita hoi i ninihia, i tanuhia râ ratou. O te huru mau teie no te baptizoraa, oia hoi, te utuhiraa i roto i te pape, ia horoi-ê-hia ta ratou mau hara, e riro tatou ei taata mâ e te tiama i mua i te Atua.— VARENE.

I te avae i mairi a'enei i te pae apatoa i te fenua ra o Amerika, ua hoo na orometua e piti e 44 Buka a Moromona, e e 181 Buka rii.

No te Rave Muna i te Mara

E rave rahi tei faarii i te mau parau maitatai i haapiihia e to te mau Ekalesia Cheresetiano i tele nei anotau, mai teie te hurn: Eiaha e faaturi; eiaha e taiata; eiaha e taparahi i te taata; eiaha e eiâ; eiaha e inu i te ava; eiaha e puhipuhi i te avaava. E e rave rahi atu â te mau mea i haapiihia; area râ te vai ra i roto i taua mau ekalesia ra te tahi mau taata o te hinaaro i te rave huna i te hara mai te mana'o e, eiaha roa ia iteahia e te taata.

Mai teie te huru: Tei te ekalesia te hoê taata e toroa to'na, te tupu noa ra to'na hinaaro i te hoê vahine, farerei a'era raua. Ua faaau ihora i ta raua parau e au maite a'era, hohoro atura i te vahi moe e taoto huna'i, aore e taata i ite noa'tu.

E tae a'era i te hoê tau arearearaa. Ua rave atura te tahi taeae i te hapaina ava e ua nevaneva haere noa'tura to'na mata, na o a'era. Eiaha roa te hoê taata no te ekalesia ia ite mai ia'u i te inuraa, inu a'era oia; e pau a'era, haere atura. Te hoê râ vahine no te Ekalesia, e no to'na hinaaro rahi i te puhipuhi huna i te avaava, haere tia'tura oia i te mau taata i rapae roa i te ekalesia, ani atu ai i te avaava na'na ia ratou ra, e horoahia maira hoi. Ia horoahia mai râ, huna maite ihora oia taviriviri ihora i roto i to'na pareu, e aore râ tui a'era i êê, haere oioi atura i te hoê vahi moemoe puhipuhi huna'tu ai, na o a'era, aore roa te hoê taata i ite. Te ravehia nei te mau hara i roto i te mau ekalesia'toa mai te reira te huru. E homa e, e hara mau teie: oia hoi e haapeu faaroo, e faahua paieti. Mai teie te mana'o i tupu i roto i teie taata, e haere i te vahi moemoe rave ai i te hara, eiaha te mata o te taata i ite, e afai ra na te Atua e hi'o. E rahi to'na matau i te ekalesia, aita râ i matau i te Atua. Te na ô maira te parau no te Bibilia e, "O te Atua te matau atu o ta te taata'toa ia e ati-noa'e, aita râ te Atua i matauhia." Te na ô maira Iesu e,

ia hinaaro te taata i te rave i te ohipa maitai roa ra, eiaha te mata o te taata ia ite, maori râ o to metua ana'e i te ao ra. Ore noâ oia i te itea, e faautua faaite mai ia oe. I teie nei râ anotau aita roa taua parau maitai ra i faaroohia, teie râ tei ravehia. Ia hinaaro te taata i te rave i te ohipa ino e roaa mai ai te pohe mure ore ra. Eiaha roa ia te mata o te taata ia ite, maori râ o te Atua ana'e ra, na te Atua e te mau melahi e mataitai ia'na i te raveraa i te hara i te vahi mo'emo'e.

E homa'e, e ara maitai i teie nei huru mana'o ia tupu mai. A haamana'o e, e hopoi te Atua i te mau mea'toa i te haava ra.— TOAE.

Te Bibilia

Ua iritihia te Bibilia i roto i na re'o e 152 o te ao nei, e te tahi pae i roto i na re'o e 480. Te vai nei i Amerika te hoê Sosaiete Bibilia. Te hoo nei ratou i te tahi Bibilia nainai e 17 pene te hoo; te Faufaa Apî ana'e e 6 pene te hoo; e te mau evanelia, oia hoi te evanelia a Mataio, te evanelia a Mareko, etc., e 2 pene te hooraa; no reira te vai nei te Bibilia i roto i te mau fare atoa o te fenua nei.

Te vai nei hoi te tahi Bibilia nainai roa e tia i te taata ia huna i taua buka ra i roto i ta'na rima. Ua hamani te Societe Bibilia i te tahi Bibilia no te feia matapo; e 8 buka rarahi i hamanihia no te Bibilia hoê, e 15½ initi te roa, e 12½ initi te aano, e e 4½ initi te meumeu a te buka hoê. E 40 kilo te teiaha o taua mau buka ra, e e 8 dara te hoo. Ua faatiahia te mau tiaraa i nia i te mau api no te buka, ia tia i te feia matapo ia fafa, e na roto i teie nei ravea te taio noa nei ratou i te parau a te Atua.

Ua vai ra te Sosaiete Bibilia e 92 matahiti, e ua nenei ratou i 80 milioni Bibilia. Ua nenei ratou e 1,910,853 Bibilia i te matahiti 1907. Ua itoitoe roa ratou i te ohipa ta ratou i rave nei.

Eiaha e Maama

“Aore hoi au i haama i te evanelia o te Mesia ra, no te mea o te mana ia o te Atua, ia ora te feia atoa i faaroo ra.”

Ua na reira atu Paulo na roto i te hoê episetole i te mau taata i Roma, o tei parau mai e, o tei haapao maitai te evanelia a Iesu Mesia, e roaa te ora mure ore i roto i te batileia hanahana o te Atua ra. E aita ona i haama i te haapiiraa atu i te reira i te oa atoa nei.

No te mea ua ite oia, te ora nei o Iesu o tei farerei ia ia'na i to'na haerea i Damaseko, na o maira Anania ia Paulo, “A tia ia baptizohia oe, e horoi ê atu i ta oe mau hara.” E ua ho'i faahou atu Paulo i Ieusalem ra.

E ua haapao oia i te parau ta Iesu i faaue mai ia'na ra, mai reira atu ua haamata Paulo e haapii i te parau a te Mesia i te etene. Ia faaroo hoi ratou ia'na ra, ua parau mai ratou e, e faarue ê atu ratou i tena na taata alta e au ia'na te ora, area râ i roto i teie nei haamani ino ra, ua haere atu Paulo i roto i te mau oire rarahi i te mau taata i reira o tei haamori i te mau Atua ua au i to ratou iho huru mau no te etaeta o to ratou aau, aita ratou i farii ia'na, oia hoi i te mau parau ta'na i hopoi mai, no atu i te huru no ta ratou Atua i haamori ra, ua ore te mata'u o Paulo i te haapiiraa atu e, e Atua te vai nei o tei ore i hamanihia e te rima taata. Na ô maira Paulo i ta'na mau pipi e, “E teie nei, e tamarii tatou na te Atua ra, eita e tia ia mana'e tatou e e au, te Atua i te auro e te aorio e te ofai, i taraihia i te aravihi e te ravea paari a te taata nei.” Ohi. 17: 29.

Aita te mau etene e te Pharisea i mauruuru ia Paulo, no te mea ua faaite atu oia ia ratou i ta ratou mau hara, ua tuu oia i ta'na ohipa e to'na puai i te faafariuraa mai ratou i roto i te parau mau.

No te aha aita ratou i farii i te evanelia a Iesu Mesia? No te mea ua parau mai Iesu i te mau Aposetoro, na ô atura: “Ahiri outou no teie nei ao, e au mai teie nei ao i



to'na iho; no te mea ra, e e ere outou i to teie nei ao, o vau i maiti ia outou no roto i teie nei ao, e riri mai ai teie nei ao ia outou." Ioa. 15: 19.

Area râ aore oia i mata'u i te haapiiraa atu i te reira i te taata atoa, no te mea ua parau mai oia e, o tei feia atoa i opua e haapao i te paiete, e hamani-ino-atoa-hia ia. Te parau hoi ta'na iho i a'o e ere ia ta te taata nei, na te Atua hoi i heheu mai ia'na ra te ite e te paari i noaa ia'na. Te haama nei te mau taata i te evanelia a Iesu Mesia ra no te mea na te taata i hamani-ino mai, oia hoi ua faarue ratou i te mana o te Atua ra, e ua rave i te haapiiraa a te taata nei, ua au i ta ratou iho hinaaro ra. Ua parau mai Iesu e, "O te taata i hinaaro i te pee mai ia'u, e faarue oia ia'na iho, a rave ai i ta'na Satauro, a pee mai ia'u. Mat. 16: 24.

E no reira, eiaha tatou e haama i te rave i te i'oa o Iesu Mesia, no te mea na roto i to'na i'oa e ora ai tatou atoa. A iriti hoi i te ata pouri taotao i mua i to aro ra, e e rave i te i'oa o Iesu Mesia i teie nei e a muri noa'tu.— SOLONA.

Ua amuihia mai te Ekalesia e to ratou mau hoa i te tomoraa fare i Niu Zilani i te oire ra o Rorongata i roto i te hoê amaa o tei faatiahia i te matamua e mea itoitoe taua amaa ra mai te matamua mai â, e ua tae to ratou roo maitai i te mau taata i taua tufaa fenua ra. Ua faaterehia i teie tairururaa e te peresideni ra o R. K. Hardy, na te peresideni hoi teie nei fare i tomo, e ua himene ratou i te himene no Ziona, e ua oaoa ratou atoa i te mea e, ua parahi te Varua Maitai i rotopu ia ratou ra. Aore roa ia te taata Maori, ite i te i no Varua Maitai, mai teie nei amuiraa te huru. E rave rahi te mau taata Beritane i amuihia mai i rotopu i te feia mo'a i taua tairuru ra, na te peresideni e te mau orometua i a'o te parau maitai no te amuiraa. Ua maere roa te mau taata no rapae i te ohipa ta te feia mo'a i rave i taua fenua ra.

Te Mau Mana'o Rii Faatao'a Rahi

E rave rahi te milioniraa o te dara i roaa i te taata o tei hamani i te faahopue faraoa e ore e pê vave, e vai ineine noa râ i te mau hora atoa e faahopue i te faraoa.

Hoê miliona dara i roaa i te taata o tei hamani i te poro i taamuhia i te taura uaua. Ia taorohia'tu te poro, na te taura uaua e faaho'i mai i te poro i roto i te rima.

E moni rahi roa hoi tei roaa i te taata no'na te mana'o i haamauhia'i te puoiraa piripou i te mau naero kapa i haapi'ohia ia ore te piripou mahae ohie i te mau puoiraa.

E tao'a rahi roa tei roaa i te taata o tei hamani i te mea hi'o mai te oe te huru ei faatautauhia i nia'e i te mori ia ore te aroaro o te fare ia faaereerehia i te rehu auahi o te mori ia pee ê i nia.

Ua hamani te hoê taata i te tahi auri nainai ia tia i te taata matapo ia hi'o mohimohi noa ia faaô i te taura i roto i te apoo o te nira ma te peapea ore, e te horoa mai nei te taieti hamani nira 10,000 dara na'na i te mau matahiti atoa no to'na mana'o apî.

Ua hamani ihora te tahi orometua no Beritane i te hoê mea hauti na te tamarî, e ori hauti haere noa taua mea ra ia hutihia te taura; e no te rahi o te tamarî i hinaaro i taua mea ra, aita i maoro ua i ta'na pute i na moni e 50,000 dara i roaa i te hoora i taua mea ra.

Ua imi te hoê taata i te tahi ravea maitai ei paruru i te iri no te tiaa ia ore ia pau vave te iri ia taahi i nia i te ofai taratara; ua hamani oia i te tahi mau auri iti ei patiti i nia i te taahiraa o te tiaa, e ua roaa ia'na e 250,000 dara i na matahiti 10 no taua mana'o no'na ra.

E piti hanere tausani dara i roaa i te taata na'na te mana'o ma tamua a hamaihia i te hoê vahi iti uaua i te tahi hopea o te penitara ei horoi papairaa. E moni iti roa i roaa ia'na i te penitara hoê, ia amuihia ra te milioniraa o te mau penitara i hoohia i te mau matahiti atoa, e moni rahi roa tei haere noa mai i roto i ta'na pute i te mau matahiti atoa.

Ua hi'ôpoa te tahi taata i te tamarî e ua ite oia e ua tue pinepine ratou i tera mea e i tera mea i to ratou tiaa, e no te reira tue-noa-raa, aita i maro ua mahiti te iri no te tiaa. Ua hamani oia i te hoê mea kapa a haamau ai i te reira i nia i te hopea tiaa i mua ei paruru i te vahi i tuehia ia ore ia hohorehia te iri. Aita i maoro, no te rahi o ta'na mau tiaa i hoohia e te taata, ua i ta'na pute i te moni hoê milioni dara.

Rahi

Te Mau Parau Api.

E 47 hiero to te Tinito i te fenua Amerika ei haamoriraa.

Ua parauhia e te haapau nei te Tinito i te pepa (parau) i te auahi e 130 miliona dara i te mau matahiti atoa ei peu haamoriraa i to ratou hui tupuna.

Tera mai te i'oa no te pereoo tataahi i te reo Flandera, oia hoi "Gwielsnelrijroettrappeudneusbrekergestel." O te reo ia no to te hoê fenua i pihaiho i te fenua Aremania. A hi'o maitai ia ore ia parari te ivi taa ia faahiti outou i taua i'oa ra.

TAHAA.—I te mahana 5 no Detema ua pohe na tamarii e piti i te poheraa riaria roa. Ua haere raua i te hoê vahi huru atea rii i to fare e hauti; te hauti noa ra raua, e ua topa raua toopiti i roto i te hoê apoo pape, pohe atura. Ua imi noa te mau taata ia raua i taua po ra, aita roa i iteahia, poipoi a'era râ ua iteahia to raua tino pohe i roto i te apoo pape.

Ua parauhia e ua aueue te fenua e 2400 aueueraa mai te m. 596 hou Iesu e tae noa mai i te 1887 m. f. i na vahi o te fenua nei e 560. E 710 aueueraa i te fenua Tinito, 585 i te fenua Rusia, 202 i te fenua Asia i ropu, 590 i te fenua Caucasia, 121 i te fenua Asia Iti e i Peresia Apatoerau, e e 188 i Rusia i Europa. Mea pinepine te aueueraa fenua i Siberia e i Asia i ropu i te tau poai, mea pinepine te aueueraa i te fenua Tinito e i Caucasia i te tau ua.

Ua iritihia te Bibilia e te mau orometua no te socaiete misionare i Lonedona i roto i na reo êe e 279. E mea veve roa te tahi pae o taua mau reo ra, aita to te tahi pae e parau Aroha, aita to te tahi pae e parau Mesia, e Faaora, e Tiama, e Peritoma, e Melahi, e Ekalesia, e Evanelia, e Hade e Bapetizo, etc., etc. Aita râ te hoê reo i ere te parau Atua. No reira ua itea-papu-hia e aita roa te hoê nunaa i roto i te ao atoa nei o tei ore i haamori i te hoê mea ta ratou parau e e Atua.

E feia tao'a rahi hau ê te nunaa ati Lamana i roto i te fenua Amerika i parauhia ra e te nunaa Osage. 1600 ratou te rahiraa ia taiohia, e e 8 milioni dara moni auro ta ratou i tuu i roto i te afata moni na te hau. Te haapao nei te hau i taua moni na ratou ra mai te aufau atu i te taime no ta ratou moni e maha hanere tausani dara i te mau matahiti atoa. Te haapao atoa nei te hau i ta ratou mau fenua. Ua oti te tau e hamani-ino-hia te ati Lamana, e ua tae mai te tau e haamaitahia te toea e te Atua, mai tei faaitahia i roto i te Buka a Moromona. E mea moiri te tupuraa o te mau tohu i papaihia i roto i te Buka a Moromona. A taio i te Helamana 15: 11-17.

Ua neneihia e 8000 buka apî êê i te fenua Amerika i te m. 1908.

Ua faatiahia 1131 fare parahiraa apî i te oire Roto Miti i te m. 1908.

Ua faatiahia e 64 fare haapiiraa tamarî apî i te fenua Utaha i na m. 1907-8, e 541,774.70 dara i pau i te paturaa. Te imî nei to Utaha i te ite.

E piti matahiti to te Emerera apî no te fenua Tinito. E arii oia, e 400 milionî taata i raro a'e ia'na, hoê â râ to'na huru e to te mau aiû atoa: ia hinaaro oia i te maa, e ta'i oia.

I te mahana matamua no Tenuare ua horoa mai te hoê sotaïete i te na tone arahu e hoê hanere i te mau taata veve i roto i te Ekalesia i Roto Miti. Na teie sotaïete ua horoahia te arahu i te episekopo rahi e na'na hoi e haapao teie e opere haere te arahu i te mau taata o te erehia i teie maitai rahi ra.

Ua patuhia te haapaoraa Budaha i nia i te parau ra e, o te Atua, e "faaearaa ia." Ua patuhia te haapaoraa Hinudu i nia i te parau ra e, "O rê Atua, o te mau mea rii tumu ia;" te haapaoraa Mohameta i nia i te te parau ra e, o te Atua, o te "mana'o opuaraa ia;" te haapaora Parasea i i nia i te parau ra e, o te Atua, o te "Atua" ia; te haapaoraa tahito no Aiphiti i nia i te parau ra e, o te Atua, o te rahiraa ia; te mau haapaoraa tahito no Helene i nia i te parau ra e, o te Atua, o te nehenehe ia; te haapaoraa Tinito i nia i te parau ra e, o te Atua, o te tia i te vairaa ia; o te haapaoraa no Iesu Mesia i nia te parau ra e, o te Atua, o te Metua ia. Ua amuihia râ taua mau parau atoa i roto i te haapaoraa mau.—UIRAA LCNEDCNA.

Ua iritihia te Bibilia i roto i na reo êê e rave rahi e ua hi'poa-maitaihia te iritiraa ia ore ia iriti-hape-hia te hoê parau. E ere ra te feia iriti i te feia hape ore roa, e no reira ua neneihia te tahi mau hape huru ê i roto i te tahi mau Bibilia. Ua neneihia te tahi Bibilia i te m. 1560, e ua mairihia i te "Bibilia Piripou," no te mea ua na ô te taioraa i te Gen. 3: 7: "Ua fatu ihora raua i te rau suke ei piripou no raua." Ua parauhia te tahi Bibilia i neneihia i te m. 1568 i te "Bibilia Malakete," no te mea ua na ô te taioraa i te Jer. 8: 22: "Aita e malakete i Gileada?" Ua neia hoi te tahi i Beritane i te m. 1631, e ua neia hoi te tahi i Alemania i te m. 1732, e ua parauhia ia i te "Bibilia Ino," no te mea ua mairi te parau "eiaha roa" i te faaueraa hitu i horoahia mai ia Mose, e ua na ô te taioraa, "A faaturi oe." Exo. 20: 14.

Toae a Maire, Faaau Parau,

Rue Dumont d'Urville, Orovini, Papeete, Tahiti.

Frank Cutler, Imprimeur,

Rue Bréa et de la rue Dumont d'Urville, Papeete, Tahiti.